

Institutiones Canonicæ Sive Ivs Ecclesiasticvm

Wiestner, Jacob Monachii, 1706

VI. De Matrimonij quoad thorum & habitationem Dissolutione temporanea.

urn:nbn:de:hbz:466:1-62672

tentiæ divortii cesset, ad matrimonii instaurationem agenti dicta exceptio non

. 89

Neque contrarium perfuadent allata argumenta. Primum; quia, si vim haberet, neque offició judicis cogi conjuges possent ad reconciliationem, ut vult cit Sanchez n. 31. Unde cit. can, intelligendus est de retractatione ex iisdem causis: non de ea, quæ fit ex causa no-va, juris, quod ad divortium habuit innocens, novam declarationem exigente. Unde etiam corruit alterum ; quia, licet rei judicatæ exceptio agenti obstet, quò minùs fententiam in dubium valeat revocare: non tamen obstat agere volenti ob novam causam, & exigenti novam declarationem juris ex adulterio

Postremum; quia etiam adulterium posterius injuriosum est conjugi dimisso; cum sententia divortii tantum eximat ab obligatione reddendi debiti & cohabitationis : non autem , ne aliis copuletur; secus enim matrimonii instauratio peti non posset contra eum, qui ob notorium conjugis adulterium divertit propria authoritate; cum enim sententia declaratoria tantum sit juris, innocenti conjugi ex alserius adulterio competentis, non plus licebit contra eum, qui propriâ, quam contra eum, qui judicialis sententia authoritate divertit.

ARTICULUS VI.

De Matrimonii quoad thorum & habitationem Difsolutione Temporanea.

SUM MARIUM. 91. Conjugis fornicatio causa Divortis perpetus eft,

92: Per se & ex natura matrimonii:

Temporanei causa sunt I. illius baresis:

Qua neque cum alterius conjugie barefi,

Neque cum ejus fornicatione compensatur.

II. Periculum grave peccandi: Quamdiuid durat.

98. III. Conjugis savitia. 99. IV. Valde molesta cum eo babitatio.

100. Non etiam verberatio mariti:

101. Nift ea excessiva,

Et in futurum timenda sit. 102.

Viro ob uxoris savitiam divortium aliqui negant:

Alii & melius concedunt.

105. Divortium exigit judicis Ecclesiafici sententiam: Quâ latâ neque conjugi savo,

106.

Neque etiam innocenti licitus est ingressus Religionis:

Nisi sententia absoluta & perpe.


Post eam, cessante savitia, matrimonii redintegratio non semper fit :

Nisi sevitia vacârit culpâ.

V. Lepra aliúsve morbus contagiosus.

Ercelebris inter DD. Orthodoxos & nostri temporis Sectarios controversia est, an præter fornicationem five adulterium conjugis aliæ quoque justæ causæ Divortii sint : cui ansam præbuit sententiaServatoris noftri,mæchari afferentis eum, qui dimiserit uxorem luam, excepta caufa fornicationis, Matth. cap. 5. v. 32. & cap. 19. v. 9. ex quibus, conjuges ob unius lepram aliámve infirmitatem quoad thorum & cohabitationem non separandos, defumpfit & Bajonensi Episcopo rescripsit Alexander III. Ccc . 240-







c. Quoniam 2. de Conjugio leprof. Sed Catholica & à S. Synodo Tridentina Seff. 24. definita Veritas eft, divortii caulam unicam non esse, ut patet ejus S. Synodi Canone VIII. cujus tenor est , Si quis dixerit , Ecclesiam ervare, cum ob multas causas separationem inter conjuges, quoad thorum seu quoad cohabitationem, ad certum incer-túmve tempus sieri pose, decernit, Ana-thema sit, cujus desinitionis cum c. Quo-niam cit. Et recitatis Christi verbis plures conciliationes afferunt DD.

Mihi præ aliis placent duæ. Una Bellarmini Lib. 1. de Matr. cap. 14. Maldonati in Matth. cap. 5. v. 32. & Valen-tiæ Controverf. Lib. unicô, de Indisfolubilitate Matrim. cap. 6. afferentium , causam divortii, quæ ex ipsa natura conjugii oriatur, unicam esse fornicationem; quia ex omnibus causis, ob quas divortium permitti folet, fidei conjugali & matrimonii substantiæ ipsa sola adversatur; aliæenim caufævg, fævitia aut periculum animæ, aliunde quam ex natura conjugii oriuntur, & personas etiam non conjugatas separandi justam causam præbent. Altera eorundem Bellarmini S. Secunda, Maldonati I. cit. & Petr. Ledefma de Matrim. q. 62. art. s. dicentium, adulterum per se esse unicam causam divortii perpetui & absoluti; tale enim & verum divortium Jure duntaxat est, quod perpetuæ dissensionis constituendæ animô sit, l. Divortium 3. sf. de Divortiu; ob reliquas enim causas merè per accidens, & non perpetuò atque absolute, sed tantùm, quamdiu earum aliqua vg. ſævitia aut lepra durat, divortium Ecclesia permittit : quæ expositio valde conformis est Tridentini can. cit. ob plures causas divortium, Ad certum incertumve tempus, non perpetud permissum, defi-

In specie autem hujusmodi divortii causæ sunt Primo Hæresis, multoque magis Apostasia à Fide, c. De illa 6. 6. Quanto 7. in fine : imd hæc, tanquam spiritualis fornicatio, arg. can. Idolaria 5. can. Non folum 6. Sc. 28. q. I. aliquando justa causa divortii perpetui est, juxta c. De illa cit. V fin. & c. fin. de Convers. conjug. ad quam Rubr. hac de re est actum à n. 34.

Dubium tamen hôc locô est, an, 94 ficut adulterii carnalis, fic & spiritualis five hæreleos crimina quoad divortium compensentur. Ratio dubitandi ell; quod utriusque conjugis in hæresin lapli delicta paria fint : paria aute delicta mutuâ compensatione tollantur, I. fin. C. de Compensat. præsertim in matrimoniisat divortiis, c. Intelleximus 6. c. sm. de Adult. & Stupr. & I. Viro atque uxore 36. ff. Soluto matrim. Verum hoc folummodo procedit, quatenus pecuniariter interest, 1. Si ambo 10. §. 2. ff. de Compensat. & l. Si duo 36. ff. de Dolo, ubi duo, do. lô malô se invicem decipientes, de dolo invicem non agunt : &, cùm delictipana directe & principaliter imposita estin favorem alterius, Petr. Barbola in I. Poff dotem 40. ff. Soluto matrim. n. s. Gons zalez in c. Intelleximus cit. n. 1. & Bruneman. in l. Si ambo cit. n. 4. pœna autem divortii & privationis juris exigendi debitum conjugale, c. De illi & a Quanto citt. hæresi imposita directe & principaliter non conjugis innocentis, fed publicum Ecclesia & Religionis Catholicæ favorem spectat; cum ob injuriam & violationem fidei, non conjugi, fed Deo datæ, illatam Jure proposita sit.

Quare, compensatione omnino exclusa, proposita dubitatio cum Sanches Lib. 10. de Matr. difp. 16.n.4. Pontio Lib. 9 de Matrim. cap. 22. n. 6. Palao Trail. 28. disp. 3. p. 6. 8. & n. 8. & Perez Disp.

57. de Matrim. f. 3. à n. I. resolvenda est ope distinctionis; vel enim Ecclesiæ judiciô hæreseos criminis uterque, vel alter folus est condemnatus? Si priùs : ab altero divertere uterque, altero invito, potest : donec mutuo consensu pristinum conjugii statum & amicitiam uterque restauret; quia perpetui divortii causa ex parte utriusque reperitur, cum; quia conjux à debito fidelitatis & obsequii conjugalis exhibendi hæretico condemnato omnino est absolutus, c. fin. de Haretic. in 6. tum verò; quia hæreseos sententia Ecclesiæ judició lata ei, qui in hæresin nondum lapsus est, libera facultas conceditur transeundi ad Religionem, c. fin. de Convers. conjug. manifestô argumento, hæreticum condemnatum jure conjugali perpetuò privatum; at id quocun-que casu, ac proinde etiam alterò in hæresin lapsô, non recuperet; quòd id recuperari ullo Jure expressum non reperiatur: & jus semel extinctum non revivi-scat, l. In tantum 6. §. 3. ff. de Rer. divis. & l. Inter stipulantem 83. S. s. sf. de V. O. Anchoran. Consil. 494. n. 13. & Tufchus Prattic. V. Actio, concl. 116.n. 3. Si posterius: is, qui Ecclesiæ judiciô condemnatus non est, à condemnato divertere potest, esque reconciliari non tenetur, ob allatam rationem. Contrà condemnatus etiam, postquam resipuit, ab eo, qui hæreseos condemnatus non est, divertere non potest, nisi ad tempus, quô in hæresi perseverat : ei verò resipiscenti Ratio est; quia reconciliari tenetur. Ratio est; quia hæresis, cujus quis Ecclesiæ judició condemnatus nondum est, divortii ad tempus tantum, quô is, in hæresi perseverat , non perpetui sufficiens causa est, c. Quanto cit. Cujus discriminis ea ratio eft; quod hæresis ante sententiam divortii causa tantum sit ratione periculi perversionis: quod cum, hæretico resipiscen-

te, cesset, etiam divortium cessabit : post fententiam autem est poena, ei propter hæresin perpetuò inflicta, cc. fin. citt. Caftro Lib 2. de Haret. punit. cap. 7. Henriquez Lib. 11. cap. 17. n. 6. & Valentia cit. cap. 6.

Dubium fecundo est, an quoad di-vortium adulterii carnalis & spiritualis sive hæresis erimina compensentur. Non quidem , antequam alter Ecclesiæ judiciô hæresis est condemnatus; quia, ut quoad divortium crimina compensentur, utrumque crimen ex se divortii perpetui fufficientem causam effe, est necesse, per tradica à cit, Sanchez difp. 6. n. 3. tali autem casu perpetui divortii causa sufficiens solum adulterium, non etiam hæresis est; cum ista divortio causam ante sententiam solum præbeat ratione periculi perversionis; atque idcirco, hæreti-cô emendatô cesset. Sed, si hæresis sententia in ejus reum conjugem sit lata ; hôc enim casu an hæresis cum adulterio carnali compensetur, dubitandi ratio est; quòd utrumque delictum fornicationis, unum carnalis, alterum spiritualis : & utrumque perpetui divortii sufficiens causa sit. Sed esto, adulterium & hæresis quoad hoc paria fint, disparia tamen & rationis omnino diverlæ delicta funt quoad alia; quia imprimis adulteriô fides data homini violata & caro in aliam divifaest: hæresi autem violata est fides data Deo & vera ejus Religio contempta. Deinde hæresis crimen, licet multò gravius adulteriô, minus tamen, quam istud, injuriosa est conjugi & matrimonio, quorum favore divortium ex adulterii causa est permiffum. Demum; quia divortium ex causa adulterii concesfum directe & principaliter spectat favorem conjugis innocentis : concessium autem ex causa hæresis post condemnationem poena est, principaliter vindictam Ccca



94.

publicam & Ecclesiæ atque Religionis Catholicæ favorem spectans.

Quare adversus conjugem Catholicum adulterum, ex crimine hæresis ad divortium agentem, conjugi istius criminis condemnato ulli præsidio non est exceptio adulterii illi objecta. Hæretici etiam condemnati & Ecclesiæ jam reconciliati ex causa adulterii carnalis ad divortium agentis intentio excludi non potest ipsi opposità hæresis exceptione, ut cum cit. Sanchez disp. 16. n. 3. rectè docent citt. Palao n. 8. & Perez n. 3. Ratio est; quia ratio divortii ex utroque delicto concessi diversa, & ipsius divortii ex utroque concessi finis diversus est; cum principaliter, unum privatum, alterum publicum favorem spectet.

Neque has utriusque dubitationis resolutiones convellit, & adulterii atque hæreseos crimina quoad divortium compensari persuadet; quòd in materia Ju-stitiæ duo ejusdem rationis debita sæpe compensentur: licet injuriæ, ex quibus debita orta funt, diversæ, & compensa. tioni obnoxiæ non fint; ficenim, fi Titius Caio centum debeat ratione furti, & totidem Caius Titio debeat ratione illatæ ei atrocis injuriæ, debita compensantur: quantumvis iniuriæ, ab utroque alteri illatæ, rationis fint diverfæ. Non, inquam, ista compensationem quoad jus divortii persuadent; quia,re accuratius ponderatâ, inter duo ex diversis criminibus orta debita, & divortia ex diversis criminibus permiffa,latum est discrimen , cum; quia ex adulterii & hæresis criminibus orta divertendi jura rationis funt diverfæ, finésque & favores juxta dicta spectant diversos: tum verò; quia in debitis ex furto & injuria ortis aliquid tradendum est creditori; ac proinde casu, quô duo ejusdem quantitatis debitores & creditores fibi mutuò funt, debita meritò compensantur; ne creditores, si petant; quod statim reddituri funt , dolô agere videantur , I. Dolo 8. pr. ff. de Doli ex. cept. & Reg. Dolo 59. in 6. in divortio autem nihil alteri ab altero tradendum est, sed solummodo amittitur jus respiciens debitum & cohabitationem conjugalem , illæfô manente jure innocentis, reum sibi reconciliare etiam invitum valentis, si velit : &, si nolit ad reconciliationem &, cum uterque ex diversa causa nocens est, etiam ad compensationem admittendam nullo Jure obligati fere, ficut duo sponsi de futuro : quorum si à sponsalibus resiliendi justam causam uterque habeat; quòd vg. alter fornicatus, alter lepræ morbô percussus sit, sie ne ulla compensatione à sponsalibus recedere uterque potest; quod ex diversa rationis caufis à sponsalibus recessus Jure permissus utrique sit , c. Quemadmo. dum 25. pr. de Jurejurando.

Secundò, periculum gravis pecca-96
ti, vg. si maritus uxorem velit prolituere, latrocinii, venesicii &c. participem
facere, arg. ean. Idolatria, 28.9.7. quia
Jure Naturali & Divino cuivis permila
sum est, perversionis anima sua & peccati periculum vitare, juxta illud Chiisti, Si oculus tuus scandaizzat te Ge,
Matth. cap. 18. v. 9. quò locò ab laterpp. nomine Oculi quicunque nobis
conjuncti, ut parentes, uxor, liberi,
quando sunt causa ruina anima, intelliguntur. Ita cum S. Thoma in 4. dis.
39. q. unic. art. 6. Innocentio & Panormit. m. c. Quassivit cit. n. 2. &t aliis observat cit. Sanchez disp. 17. n. 5.

fervat cit. Sanchez disp. 17. n. 5.
Neque obstat, quod c. Quessoit 2.
uxori divortium propter furtum vel aliud
crimen viri negetur: & diserte permitatur ob perversionem Fidei & periculum
illius, ibi, Niss sidei sua religionem corrumpere velit; quia hoc regulare, non
perpetuum

perpetuum eft ; cum enim periculum pertractionis in peccatum à coniuge in hæresin vel Apostasiam prolapso regulariter: à latrone autem & aliis criminibus inquinato rarò impendeat, ab hæretico & Apostata regulariter: ab eo autem, qui aliis flagitiis deditus est, divertere non licebit, nisi casu, quô probabile est periculum perversionis, ut cum Gaëta in can. Ad limina, 30.9.1.9.4.n.235. & aliis rem hanc explicat Sanchez disp. cit. n. 5.

Dubium est, an gravis peccati periculum, ex cohabitatione cum coniuge imminens, divortii perpetui iusta causa sit; id enim affirmat Innocentius in c. De illa 6.in fine, ductus paritate cum hæresi: quam perpetui divortii causam esse, diclum planumque est ex c. cit. & c. fin. de Convers. conjug. Consentit ex parte Veracrux Speculip. 3. art. 1. in fine, concl. 4. probabile esse, asserens, ob inductionem, sicut in hæresin, sic & in alia crimina perpetuò divertere coniugi licitum Jure Naturæ & Divino: illicitum autem esse ob Ecclesiastici Juris prohibitionem, c. Quafruit cit. Sed male, cum; quia divertendi iuri, Naturali Divinove Jure concesso, Ecclesiam derogare voluisse: &, si divortium Naturale aut Divinum Jus permifsum esse, voluit, potuisse, verisimile non elt, ut arg. can. Inferior 4. dist. 21. cum Soto in 4. dift. 36. q. unic, art. 1. recte observat cit. Sanchez disp. 5. n. 23. tum verò; quia Ecclesiasticus canon, quô periculum inductionis in peccatum perpetui divortii iustam causam esse, afferatur, non extat: & divortium, quod ex hæresis tanquam spiritualis adulterii causa, e. De illa & c.fin. eitt. permittitur, per-petuum non est, antequam in coniugem eius criminis sententia sit lata.

Quare eum, qui propter inductionem in peccatum à coniuge divertit, ad hunc relipiscentem serioque conversum,

ut peccandi periculum ab eo nullum amplius sie, recipiendum, redeundumve ad eum & matrimonium redintegrandum, cum Zabarella in c. De illa cit, in fine, Sylvestro V. Matrimonium 9. n. 12. & aliis meritò obligant Petr. Ledesma de Matrim. q. 62. art. 5. ad 1 . Bellarmin. Lib.t. de Matrim. cap. 14. caufa 2. & cit. Sanchez disp. 17. n. 14.

Tertio, favitia aut furor mariti, vg. 98. consortem suam capitali odiô persequentis, eiúsque vitæ ferrô, venenô &c. infidiantis, mortem vel mutilationem seriò minitantis, aut aliis modis crudeliter tractantis, ut colligitur ex c. Extransmifsa 8. & c. Literas 13. de Restit. Spoliat. & late explicat cit. Sanchez disp. 18. tota.

Quarto fævitiæ affinis & iusta divortii 99. causa aliquando est valde molesta cohabitatio ex frequentia iurgiorum & rixarum, quas coniugum alterius inveterata & indomita improbitas solet excitare; quòd huiusmodi incommodorum metus sit gravis & in constantis animi hominem cadens, ut cum Henriquez Lib. 11. cap.17. n. 7. observat Sanchez disp. cit. n. 11.

Dubium est, an divortio justam cau- 100. sam uxori præbeant verbera, inflicta vel timenda à marito. Sunt enim Doctores, qui absolute id asserant &, qui inficien. tur extra cafum, quô ex verberationis atrocitate mortis periculum timetur. Alie & meliùs dubitationem resolvunt ope diflinctionis inter verberum inflictionem; vel enim ea levis ac moderata, vel gravis & excessiva est ?

Si prius, divortii causa justa nullatenus est; quòd, cùm hujusmodi verberatio correctionem potius quam punitionem spectet; atque idcirco ex justa caufa viro respectu uxoris permissa sit, can. Sicut 39. juncta Glossa V. Judicari, 7. q. 1. non appareat, quâ ratione justam divortii cansam præbeat uxori, ut cum Tholosano

Ccc 3



Lib. 9, Syntagmat. cap. 15. Petro Barbola in Rubr. ff. Soluto matrim. p. 2, n. 31. & aliis advertit cit. Sanchez disp. 18, n. 16. idem afferens, etiamfi levi ac moderată verberatione vir fine justa causa sit usus; quòd ea neque virum arguat savitia, neque justi & in constantem animum cadentis metss causam præbeat uxori.

Si posterius, & verberatio gravis atque excessiva est, altera distinctione opus est inter præteritam ac futuram; cum præteritam etiam atrocem verberationem, fi ex insolitæ iræ & inopinatæ perturbationis motu processit, ejusque in posterum exercendæ probabilis timor non fit, justam divortii caufam effe , cum cit. Barbolan, 32. & aliis recte negent Guttierez Lib. 1. Q Q. Canon, cap. 24. n. 9. San-chez cit. n. 16. Laiman Lib. 5. tract 10. p. 3. cap. 7. n. 17. & Palao Tratt. 28. disp. 3. p. 6. §. g. n. 7. quia ex unica & inopinata, etiam multum excessiva verberatione, sævitia legitimè non probatur, ex mente Rolandi a Valle Tom. 3. Confil.27. n.12. & Riminaldi Vol.2.confil.147. n.31. quod ea affiduitatem, aut saltem ad grave malum inferendum propensionem & proclivitatem quandam exposcere videatur. inferenda ac timenda gravi & præfertim

vitatem quandam exposcere videatur.

102. Futurâ auté, sive in posterum verisimiliter inferendâ ac timendâ gravi & præsertim atroci verberatione justam divortii causam uxori præberi, cum Tiraquello Connub. l.1. gloss. 1. n. 24. Covarruvia cit. 6ap. 7. §. 5. n. 1. & aliis, quos refert, laudatus Sanchez l. cit. desendit contra cit. Barbosam n. 34. verberationem, quæ probabile mortis periculum afferat, exposcentem. Sedmalè, partim; quia verberatio gravis generatim justa causa repudia habetur Jure Civili, l. Consensus. §. 2. in sine, G. de Repud. & Novell. 22. cap 15. §. 1. ibi, Aut, sissaglin super ea utatur; nam, ut cit. §. 2. dicitur, hujusmodi verbera Ab ingenuis aliena sunt, & propria

fervorum, Glossa in can. Sicut & V Judicari cit. partim vero; quia gravis & excessivæ verberationis metus in constantis animi hominem cadit.

Dubium fecundo eft, an ob fævillam Iot uxoris divertere etiam valeat maritus; huic enim ob illius etiam in mortem machinantis fævitiam divortium non permissum, cum Glosla in c. Quefivit 1. V. Vel alio volunt Hostiens. in c. Quemad modum 25. de Jurejurando in fine, & Ant. de Butrio in c. cit. S. Illud autem, in fine, eâ præcipuè perfuafi ratione;quòd Ecclefiastici canones, c. 1. Ut lite non contest, c. Ex transmissa 8. & c. Literas 13. de Reflitut. Spoliat. qui divortii ex l'avitia caufa meminêre, de sola uxore, à viro sibi timente, loquantur : imò can. Quidquid, 32. 9.5. relatum Nicolai I, ad Conful. Bulgar. cap. 96. responsum sit, Quidquid mulier tua contra te cogitaverit aut fecerit, non est, exceptà fornicationu causa, rejicienda. Neque, ob fævitiem eam quo. que rejiciendam, viróque divortium permislum, evincitur ex eo; quod maritus & uxor fint correlativa; ac proinde de illo dispositum ad istam, & vicissimporrigatur, arg. l. Unica C. de Indicta Vid. quia istius legis argumento locus non est contra apertam Juris definitionem: &, cum non eadem ratio est correlativi utriusque, per tradita ab Everardo Legal. arg. loco à Correlativis n. 8. non eadem autemratio est mariti & uxoris; cum vir uxore, cujus est caput, can. Hac imago 13. & can. Cum saput 33. 9. 5. non etiam ifta virum coercere ac punire possit; quòd viri potestati sit subjecta, can. Famina 30.9.5. & can. Est ordo 12. &c. 33. 9.5.

Sed meliori ratione etiam marito ab 104 uxore, vitæ suæ insidias struente, si abea aliter se tueri nequeat, divortium cum Panormit. in c. 1. bâc Rubr. n. 4. Joan, Andr. ibid. n. 3. Alex. de Nevo n. 4. Præsente su subject of the sub

polito

posito in fine, Gacta in can. Ad limina, 30. q. 1. S. 4. n. 235. & VV. aliis permittunt Covarruvias cie S. 5. n. 2. Petr. Barbosa in Rubr. ff. Soluto matrim. p. 2. n. 23. citt. Ledesma q. 62. art. 1. dub. 4. Sanchez disp. 18. n 8. & Palao Tratt. 28. disp. 3. p. 6. S. o. n. 6. ad finem. Ratio perspicua est, quia Jus naturale cuivis concedit facultatem adversus vim injustam se tuendi, & mortis inferendæ periculum quovis modo declinandi adeò; ut ipfe etiam contractus matrimonialis ad cohabitationem cum vitæ discrimine ex illa, præsertim à malitiosa uxoris machinatione proveniente, conjunctam non obliget; quod, ad eam aliter quam falva proprii individui incolumitate se obligare voluisse, neuter conjux præsumatur, per tradita ad Rubr. de Conjug. Leprof. n. 6. Quæ ratio cùm æquè militet pro conjuge utro-que, sicut uxor, cùm maritus, sic etiam iste, cùm illa vitæ suæ insidias struit, & hæ aliter evitari non facilè possunt, facto divortiô suæ incolumitati prospicere valebit; ut adeò hôc quoque cafu uxoris & mariti, tanquam correlativorum, aquiparatio procedat.

Neque hanc excludunt & refolutionem ullatenus infringunt allegati Juris textus, cum; quia solius uxoris ideo meminêre; quòd viri in eam sævitia frequentior sit, quam ejus in virum: verba autem legis, posita gratia frequentioris usus, ejus dispositionem non restringunt, secundum Glossam in Clement. 1. V. Prasidentes, de Rescript. Rebuffum de Nominat. q. 5. à n. 3. & Acostamine. 1. de Testament. in 6. V. Si absque liberis,n. 20. tum vere; quia can. Quidquid cit, relatum Nicolai Papæ responsum non comprehendit cafum, quo cohabitatio cum uxore conjuncha est cum probabili periculo vita; cum hancadversus insidias quovis modo tueri permittat Jus Naturale, I. Ut vim 3. ff. de

J. & J. & l. Itaque 4. pr. ff. ad L. Aquil. cui derogare cum Papanec voluerit, nec potuerit, can.cit. inserta exceptione causæ fornicationis ex aliis causis divortium duntaxat perpetuum excludetur : non. quod ad certum incertumve vg.gravis peculi durantis tempus fit, & permislum, liquet ex definitione S. Synodi Trident. can. 8. cit.

Dubium eft tertio, an ob fævitiam eive 105. affine incommodum conjugi divertere liceat propriâ authoritate. Non licere, sed Ecclesiasticæ authoritatis interventum necessarium esse, cum Covarr. cit. cap.7. S. 6. n.10. Pontio Lib. g. de Matrim. sap. 23. n. 7. & aliis recte monet Palao cit. p. 6. S. 9. arg. c. 1, c. Ex transmissa c. Literas citt. c. Porro 3. & c. Significafti 4. bac Rubr. Ratio est; quia eô agitur de dissolutione juris & obligationis Sacramenti matrimonii, cujus tanquam Spiritualis caulæ tractatio propria est judicis Ecclesiastici, juxta dicta ad Rubr. praced. dn. 2. qui, si ejus causam esse legiti-mam, & uxori adversus viri savitiam pignoratitià, fidejussorià aut, his deficientibus, juratorià cautione satis prospici non posse, perspexerit, ad divortii sententiam proceder. Unde

Dubium quartum oritur, an divortii sententia ob sævitiam lata, conjugi divertenti licitus sit ingressus Religionis. Nocenti, à quo innocens divertit, sine istius consensuReligionis ingressu aut facri Ordinis susceptionem non permissam, res est satis explorata; cum, is sævitiam deponere, cáque deposità ad innocentis petitionem matrimonium redintegrare teneatur; quod divortii sententia lata fit in ipfius odium & favorem innocentis, per tradita à Sanchez cit.n. 49.in fine juncta disp.10. n.3. & 10. Innocenti etiam, qui ex divortii sententia à savo conjuge divertit, ad Religionem transitum Jure non per-

missum, înde evincividetur; quòd Juris textus transitum illum coniugi, eius thori consorte invitô, solum permittant ex causa fornicationis, can. Sunt qui 10. can. Agathosa 21. in sine, 27. q. 2. c. Conssitue 15. & c. Veniens 16. de Convers. conjug. &; quòd transitus ille & susceptio Ordinis sacri inducat ac supponat divortium perpetuum: cuius iusta causa sola coniugis fornicatio, can. Quidquid cit. c. Ex parce 9. de Sponsal. & matrim & Matth. cap. 19. v. 9. non etiam savitia est; cùm, ista cessante, vel etiam sufficiente cautione de incolumitate à coniuge seviente præssita, matrimonium sit redintegrandum, citt. c. Ex transmissa & l. Lieteras, in sine.

At, licet hæc ratio admodum urgeat, 107. locus tamen imè opus est distinctione; vel enim divortii sententia solum temporanea & ad certum incertumve tempus lata, vel omnino absoluta & perpetua est ? Si prius &, quod favitiæ ac furoris remittendi spes sit, sententia solum temporanea est, Religionis ingressus uti & sacri Ordinis affumptio divertenti procul dubiô permissa non est; cùm propter rationem in eam rem deductam: tum verò; quia hujusmodi fententia conjugale jus non extinctum & omnino amissum, sed ejus tantum executio ad tempus suspensa est, Petr. Barbosa cit. p. 2. n. 25. Sanchez cit. n. 49. & Perez disp. 57. de Matrim. f. 5. 108, n.g. Si posterius &, quod sævum conju-


gem non corrigendum & innocentis incolumitati ulla cautione satis prospici non
posse, judex arbitratus sit, divortis sententia absoluta & perpetua ab eo lata est, conjugi, ab eo divertenti, transitum ad Religionem omnino licitum, cum Navarro
Manual. cap. 22. v. 22. S. Quintò, & Barbosa p. cit. n. 26 sussiti. Sanchez n. 49. Palao §. 9. n. 12. & Perez n. 9. Ratio est;

quia jus conjugale, quod unicum ingressoi obstat, sali casu cessat; quòd ratione sa vitia, ullam correctionem issiúsque spem non admittentis, cohabitatio cum perpetuo vita periculo conjuncta judicetur; ut adeò hujusmodi divortium per accia dens imitetur id, quod ex carnalis vel spiritualis fornicationis causa Ecclesialici judicis authoritate fuit institutum.

Neque posteriori huic resolutionis parti adversantur Divini atque Ecclesia. Rici Juris textus allegati; quia fornicatio perpetui divortii caufa unica est per fe & ex natura ipfius contractûs matrimonialis; quòd sola ea fidei conjugali & matrimonii substantiæ repugnet : sævitia autem illius causa merè per accidens est ratione perpetui periculi, ex conjugum Junius fævitia alteri imminentis,& divortii fenten. tiæ in ejus pænam latæ; ut adeò, sicut fornicatio per se, ita sævitia per accidens tantum, & quod perpetua fore judicata fit, extinguat jus conjugale fere, sicut contingit, quando conjugum unus ad conjugales actus perpetuo inhabilis redditur, ut rem hanc cum citt. Bellarmino cap.14. S. Dicendum, Maldonat. in Matth.cap. 5. v.32. & Valentia cap. 6. explicat cit. Sanchez disp. 15.n. 2.

Dubium quintò est, anergo si, per 109petua divortii sententia ob savitiam &
in istius poenam lata & innocente conjuge
Religionem jam ingresso, savitia ex eaque
imminens periculum ita cesset, ut ei, qui
judicio Ecclessa divertit, ex cohabitatione nihil mali timendum sit, matrimonium non sit redintegrandum. Quain re
redintegrationi locum non esse, tradunt
Sanchez & Perez citt. n. 9. & 49. quia Re
ligionis ingressus fuit legitimus & divortii sententia hôc ipsô; quòd savi conjugis corrigendi spes non appareret, absolutè lata; ut prospiceretur saluti innocentis, cui aliter consuli non posse videbatur.

UNIVERSITÄTS BIBLIOTHEK PADERBORN



Unde, sicut cum ex causa hæresis & in istius pænam, sic etiam cum ob savitia & in istius pœnam lata divortii perpetui sententia est, locus non est matrimonii redintegrationi: quantumvis ille hæresin ejuret & ista sævitiam præter spem deponat.

Excipiendus tamen est casus, quô conjugis fævitia caruit culpa; quòd provenerit exfurore, qui Medicorum alio-rumque peritorum judiciò nunquam remiffurus & perpetuus fore credebatur ; cùm enim jure conjugali quis perpetuò privandus fine fua culpa non fit, divortii perpetui fententiæ locus vix est: &, fi talis lata, ejúsque vigore Religionis professio edita jam fuisset, à conjuge furioso ad sanam mentem & tranquillitatem redeunte, is, qui judiciô Ecclesiæ divertit, repeti posset, religionis ingressu & facri Ordinis susceptione non obstante; quòd, cum Ecclesiam appareat fuisse deceptam, ejus fententia retractanda fit : ficut de sententia divortii, exfornicationis causa

lata, dictum est Lib. 2. tit. 27. à n.74.

Quarto demum lepra vel alius mor- II bus contagiosus & periculosus, juxta c. 1. V. Si verò, de Conjug. Leprof. & ibi dicta à n.6. Ratio est; quia, hôc ipsô; quòd cuivis à natura concessum sit, grave malum corporis declinare, conjugii lex non obligat ad cohabitationem, cum gravi vitæ & falutis etiam corporalis periculo conjunctam, Laiman. Lib. f. Tratt. 10. p.3. сар. 7. п. 16.

TITVLVS XX.

De Donationibus inter Virum & Uxorem, & de Dote post Divortium restituenda.

N Divortiorum causas in judicium deductas incidere plerumque solent quæstiones de Dotis & propter nuptias Donationis restitutione, solutô matrimoniô, facienda: quarum proinde & Donationum, quæ inter conjuges fiunt, Jus ad hanc Rubricam declaratur.

ARTICULUS 1.

De Valore & Firmitate Donationum inter Conjuges.

SUMMARIUM.

- Donatio alia fit Ob causam, alia merè Liberaliter :
- Quarum bas inter conjuges infirma eft,
- Jure saltem communi,
- 4. Eam, si donantem pauperiorem, 5. Et donatarium locupletiorem reddat, infirmante :
- 6. Idque etiam, cum donatio per perfonas intermedias,
- 7. Vel debitum remittendo,
- Aut ante matrimonium initum, fit:

Ddd

